

# BENEDICTI . XIII PONT . MAX CONSTITUTIO

Qua Judicium episcopale Ticini habitum  
de Corpore sancti Augustini Hipponen-  
sis Episcopi & Ecclesiæ Doctoris,  
ibidem servato in Confessione  
ædis sancti Petri in Cœlo  
aureo , adprobatur  
& confirmatur.



ROMÆ MDCCXXVIII.

Ex Typographia Rev. Camerae Apostolicæ .

RECEIVED

1917

COMMUNICATIONS

TO THE SECRETARY OF THE ARMY

WASHINGTON, D. C.

1917

1917

1917

1917

1917

1917

1917

1917

1917

1917

1917

1917

1917

1917

1917

# BENEDICTUS<sup>3</sup> EPISCOPUS SERVUS SERVORUM DEI

*Ad perpetuam rei memoriam.*



D summi Dei gloriam in Sanctis ejus amplificandam mirabile nuper factum est in oculis nostris, dum exuvie sancti Augustini Hipponensis Episcopi & præstantissimi Ecclesiæ Doctoris, quarum venerationem antiquus Dei & sanctorum hostis aliquandiu perturbare tentaverat, tandem omnium Christianifidelium cultui, pristinaeque honorificentiae, universa Ecclesia plaudente, restituta fuerunt.

I.  
Dei gloria in Sanctis ejus amplificata.

## II.

Corpus sancti Augustini Hipponensis in Sardiniam, atque hinc Ticinum translatum, ubi pridem repositum est.

Probatissimis literarum monumentis constat, Vandalorum persecutione in Africanam Ecclesiam excitata, sanctissimos illarum partium Episcopos, & fidei catholicae confessores, in Sardiniam exilio damnatos, Corpus eximii Doctoris sub finem sæculi V. secum in eandem insulam transtulisse, ibique usque ad initium sæculi VIII. Christiana, idest maxima, religione custoditum. Tunc enim Saracenis, qui in Sardiniam irruerant, loca sacra impię fœdantibus, Liutprandus Langobardorum Rex sanctarum Augustini Reliquiarum pietate motus, per Legatos ab se illuc transmissos, magno eas pretio redimendas, & Ticinum, quæ alias Papiæ dicitur, sacra pompa transferendas curavit, ubi in Confessione ædis sancti Petri in Cœlo aureo, tunc primum ab hoc unum jussu Regis exstructa, Augustiniani Corporis thesaurus debito tanto Patri honore depositus fuit, populisque devotionis causa usque ad nostram ætatem illuc undique confluentibus, in ejusdem Confessionis crypta inter puteum, aqua salutariter manantem, & altare inferius piissimo studio servatus est. Tandem vero die 1. Octobris anni Dominici MDCXCV. albus marmoreus sarcophagus

cus sub mausoleo lateritio ibidem loci detectus, in quo sacratissime Augustini exuviae, in arca argentea clausae, repertae fuerunt; quae omnia coram plurimis testibus canonice comprobata, per curiae episcopalis ministros & actuarios, in processus & commentarios, publica auctoritate munitos & summa fide conscriptos, tunc digesta, perque totum quinquennium adversus quorundam dubitationes non segniter agentibus Fratribus Eremitis ordinis sancti Augustini, qui in eadem sancti Petri Basilica aequae ac Canonici regulares Congregationis Lateranensis, alternis mensibus divina officia persolvunt, disceptata fuerunt, donec unus & triginta sacrae paginae, & decretorum doctores pro iisdem Augustini Reliquiis sententiam suam, mira consensione firmatam, scripto ediderunt,

### III.

Summus Pontifex  
iudicium episcopale  
de eodem Corpore  
peragere jubet.

Quum vero ad audientiam nostram pervenisset, ob non extintas & abolitas iudicio episcopali Ticinensium Praesulum ejusmodi dubitationes, venerandos tanti Doctoris cineres, quasi incertos, sine debito honore habitos, nos rei gravitate percussi, literas nostras sub anulo piscatoris die XXI I. Januarii hujusce anni ad venerabilem fratrem Episcopum Ticinensem dedimus, ei serio injungentes, ut iudicium de invento illic sancti Augustini Corpore, ulteriori dilatione sublata, secundum Deum & veritatem, ceteris quaestionibus de alio corpore inveniundo remotis, ad finem perduceret; illi praeterea mandantes, ut cavillationibus eorum, qui decisionem ac definitionem hujusce causae impedire tentassent, etiam per ecclesiasticas censuras occurrere deberet, utque illis, a quibus causa cognoscenda esset, iisdem, abhibitis, si opus esset, remediis, ediceret, ne ullis officiis, commendationibus, aut partium studiis obsequerentur; sed solum Deum veritatis praeculis haberent. Et ne in re tanta definienda novis procrastinationibus locus esse posset, bimestre tempus huic iudicio consuecundo praefiximus. Has vero literas dilectus filius Fulgentius Bellellus Prior generalis Fratrum Eremitarum totius ordinis sancti Augustini, in coenobio juxta praedictam eadem sancti Doctoris, alias sancti Petri in Caelo aureo, Ticini constitutus, ipsi Episcopo per dilectos filios Josephum de Gregoriis a sancto Elpidio & Aloysium de Bellagente Ticinensem, Fratres Eremitas ejusdem

5

dem ordinis, tanquam speciales procuratores in hac  
causa a se deputatos, præsentari curavit.

Episcopus Ticinensis acceptis literis nostris, & juridice  
vocatis vocandis, qui olim pro identitate sacri Corporis  
declaranda, nomine eorundem Fratrum Eremitarum,  
in memorato cœnobio degentium, vocati fuerant, inspe-  
ctisque actis, in eadem causa a mense Octobris anni  
MDCXCV. usque ad mensem Martium anni MDCXCIX.  
confectis, una cum visitationibus & recognitionibus ipsius  
Corporis sancti Augustini, annis MDCXCV. MDCXCVI  
& MDCXCVIII. pariter factis, nec non juribus, docu-  
mentis, testium depositionibus, aliisque monumentis  
& scripturis, tunc & subsequētibz annis publica auctoritate exaratis; compluries etiam Theologis, sacrorum-  
que canonum interpretibus coram se congregatis, quas  
ex piis doctisque viris ad præscripta sacrosancti Concilii  
Tridentini, in consilium sibi adhibendos delegerat, qui-  
bus poenas, in iisdem literis nostris expressas, indixit, sin-  
gula causæ momenta attente discussa & mature conside-  
rata fuerunt. Tandem vero idem Episcopus die xxv. Ju-  
nii una cum iisdem suis hac in causa consiliariis, ab se  
delectis, coram Fratribz Eremitis Augustinianis, & Ca-  
nonicis regularibus Lateranensibus sacrum Corpus in  
Confessione repertum anno MDCXCV. post recitatum  
ad aram maximam hymnum, *Veni creator Spiritus*, ex  
Confessione in capsula clausum ad eandem aram per sex  
presbyteros inter accensa funalia reverenter perlatum,  
exacte & sedulo visitavit diebus xxv. & xxvi. Junii adhi-  
bitis tribus ex peritioribus civitatis Anatomes profes-  
soribus, iurejurando de veritate dicendâ obstrictis, qui sin-  
gulas sacri Corporis partes studiose recognoscētes, *os*  
*brachii sinistri* ab humero ad cubitum, atque aliud, quod  
*atlas* vocatur, deesse animadverterunt: quorum primum  
Ticini a felicis memoriæ decessore nostro Benedicto Pa-  
pa VIII. beato Egelntho Primati Cantuariensi dono tran-  
ditum fuerat; alteram vero in Dalmatia servatur in the-  
sauro sacrarum Reliquiarum metropolitane Ecclesiæ  
Ragusinæ. His peractis, sacroque deposito in pristinum  
Confessionis locum eadem cæremonia restituto, idem  
Episcopus Ticinensis solemnes supplicationes, aliis-  
que publicas & assiduas preces, ad divinam operam  
pro recto iudicio secundum Deum & veritatem  
seren-

#### IV.

Ad canonicas Ec-  
clesiæ regulas idem  
iudicium episcopa-  
le peragitur.

*Sessio xxv. anno  
cap. 1.*

117  
Benedictus  
Papa VIII.  
beatus Egelntho  
Primati Cantuariensi  
dono traditum fuerat

ferendo, impetrandam, indixit, quibus devote cum utroque clero & populo civitatis interfuit; visisque tandem omnibus videndis, & consideratis considerandis, congregatisque iterum coram se sacre Theologiæ magistris, & canonum professoribus, quos, uti jam diximus, ad sanctiones Concilii Tridentini antea in consilium vocaverat, quique decem & septem numero pro veritate atque identitate Reliquiarum sancti Augustini unanimem sententiam tulisse memorantur, ipse coram dilectis filiis Priore generali totius ordinis Fratrum Eremitarum sancti Augustini, & Præposito Canoniorum regularium Congregationis Lateranensis, atque aliorum complurium, qui illuc, supremum hac de re episcopale iudicium audituri, convenerant, post missæ sacrificium de Spiritu sancto celebratum, solum Deum veritatis præ oculis habens, hoc eodem anno MDCXCXVIII. Indictione VI. FERIA VI. die XVI. mensis Julii hora tertiæ in episcopio pro tribunali sedens, hoc decretum cum plena causæ cognitione pronuntiavit.

## V.

Decretum Episcopi  
Ticinensis de Cor-  
pore sancti Augu-  
stini.

*Christi nomine repetito, per hanc nostram definitivam sententiam dicimus, pronunciamus & declaramus, satis constare, Corpus, inventum in confessione templi sancti Petri in Cælo aureo hujus civitatis die prima Octobris anni MDCXCV. & nuper per nos recognitum, ac sigillo nostro munitum, esse Corpus sancti Augustini Ecclesiæ Doctoris, ideoque pro tali esse colendum, & publicæ fidelium venerationi exponendum.*

## D. Franciscus Episcopus Papiensis.

## VI.

Summi Pontificis &  
Ecclesiæ gaudium,  
ob vindicatas Au-  
gustini Reliquias.

Nuncio tam sancti, tam gravis & maturi iudicii episcopalis ad nos perlato, præ gaudio exsiliit cor nostrum, summaque lætitia perfusi gratias Deo egimus, quod suam gloriam in sancti Augustini exuviis canonice vindicatis augere voluerit, quem ob sanctimoniam, atque intermeratam doctrinæ excellentiam, ut fulgentissimum Ecclesiæ lumen, Innocentius, Zosimus, Bonifacius, Cælestinus, Gelasius, Hormisdas, alique decessores nostri Romani Pontifices magno semper in honore habuerunt, nosque ipsi, ut parentem æque ac magistrum veneramus,

mur, utpote cujus regulam & doctrinam in nostro Predicatorum ordine a primis adolescentiæ annis professi sumus, & favente Deo profitemur. Ut autem nostrum juxta ac totius Ecclesiæ gaudium ubique diffunderetur, per literas nostras universis Christi fidelibus inscriptas die 14. Augusti, omnibus & singulis utriusque sexus, vere poenitentibus & confessis, qui aliquam ex Ecclesiis tam Fratrum, quam sororum ordinis Eremitarum sancti Augustini, ubicumque existentem, die, per Ordinarios locorum designando, visitassent, atque ibi pro Christianorum Principum concordia, hæresum extirpatione, ac sanctæ matris Ecclesiæ exaltatione pias ad Deum preces effudissent, plenariam omnium peccatorum indulgentiam & remissionem concessimus; dieque subsequenti alias literas dedimus ad Episcopum Ticinensem, ipsius pietatem & fidem laudantes, quod omnem dubitationis nebulam de veritate Corporis sancti Augustini tam accurato examine dissipare studuisset; districte interdcentes sub poena excommunicationis lata sententiæ, ne quis auferre, asportare aut distrahere, quamlibet sacratissimi ejus depositi particulam auderet. Subinde in die festo ejusdem Ecclesiæ Doctoris XVIII. Augusti ad ejusdem Titulum & cœnobium Fratrum Eremitarum nos ipsi accedentes, in illius honorem sacrosanctum missæ sacrificium ritu pontificali celebravimus; adstantibus nobis venerabilibus fratribus nostris S. R. E. Cardinalibus, Patriarchis, Archiepiscopis & Episcopis; & post peracta divina mysteria, in gratiarum actionem pro sancto ejus Corpore luculente & canonice comprobato, hymnum, *Te Deum*, Christianæ letitiæ prænuncium solemnem cæremonia præcinentes, in trinis personis unum Deum collaudavimus.

## VII.

Judicium episcopale de Corpore sancti Augustini a summo Pontifice confirmatur.

Ne vero ex pastoralis officii debito erga sanctarum Augustini Reliquiarum conservationem & venerationem a nobis quidquam prætermittatur, quascumque dubitationes, controversias, causas & lites de Corpore sancti Augustini quomodolibet exortas sive introductas, illarumque jura, scripturas & titulos omnes præsentibus pro plene expressis habentes, & quatenus opus sit, ad nos advocantes, prorsus extinguimus & abolemus, & perpetuum silentium super illis imponimus. Et ne unquam futuris temporibus de prædicto episcopali judicio, ad sanctiores Eccle-

Ecclesiæ regulas absoluto, possit quomodolibet hæsitari, ad submissas preces dilecti filii Felicis Leoni, totius ordinis eorundem Fratrum Eremitarum Procuratoris generalis, ejus libello supplici nobis porrectas, pia recordationis antecessoris nostri Martini Papæ VI. vestigiis inhærentes, qui translationem Corporis beatæ Monicæ, venerabilis Augustini matris, ex civitate nostra Ostiensis ad hanc eandem Ecclesiam domus Fratrum dicti ordinis Eremitarum sancti Augustini factam, suis Apostolicis literis, incipientibus, *Pia caritas*, adprobavit; nos quoque judicium Episcopi Ticinensis de veritate Corporis sancti Doctoris, ut apud Christianos notius & manifestius evadat, ac devotio erga Augustinum magis inflammetur, tenore præsentium ratum & gratum habentes, ex certa scientia, atque etiam motu proprio, Apostolica auctoritate undequaque adprobamus & confirmamus, & perpetuis futuris temporibus firmum semper & validum esse & fore decernimus, non obstantibus quibuscumque.

## VIII.

Nemo has litteras infringere audeat.

Nulli ergo omnino hominum liceat hanc paginam nostræ constitutionis, avocationis, extinctionis, abolitionis, silentii, impositionis, decreti adprobationis, confirmationis & voluntatis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Dominicæ millesimo septingentesimo vicesimo octavo, decimo Kalendas Octobres, pontificatus nostri anno quinto.

J. B. Archiepiscopus Nisibenus  
Subdatarius.

V I S A

De Curia J. Archiepiscopus Ancyranus.

Lucas Martinettus.

*Registrata in Camera Apostolica.*

Antonius Cajetanus Frosius R. C. A. Secretarius.

